

DISPUTATIO MEDICO-CHIRURGICA
INAUGURALIS
DE
HYDROCELE.

QUAM,
ANNUENTE SUMMO NUMINE

Ex Auctoritate MAGNIFICI RECTORIS

D. JOANNIS ESGERS,

S. S. THEOLOGIÆ DOCTORIS, EJUSDEMQUE FACULTATIS,
UT ET ANTIQUITATUM HEBRAICARUM IN ACADEMIA
LUGDUNO-BATAVA PROFESSORIS ORDINARIJ.

NEC NON

*Amplissimi SENATUS ACADEMICI Consensu,
& Nobilissimæ FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus & Privilegiis, ritè
ac legitimè consequendis,

Publico Examini submittit

GERARDUS DE WIND, GER. FIL.
MEDIORURGO-ZELANDUS.

Ad diem 11. Februarii 1752. hora locoque solitis.



LUGDUNI BATAVORUM,
Apud GEORGIUM WISHOFF,
MDCCLII.

DEPARTMENT OF THE ARMY

WASHINGTON, D. C.

HYDROCELL

1914

THE HYDROCELL

IS A NEW TYPE OF

CELL WHICH

IS USED FOR

THE PURPOSE OF

STORING WATER

AND IS USED

FOR THE PURPOSE

OF STORING WATER

AND IS USED

FOR THE PURPOSE

OF STORING WATER

AND IS USED

FOR THE PURPOSE

OF STORING WATER

AND IS USED

FOR THE PURPOSE

OF STORING WATER

AND IS USED

FOR THE PURPOSE

OF STORING WATER

AND IS USED

FOR THE PURPOSE

VIRI S.

ÆTATE, ERUDITIONE,

DIGNITATE CONSPICUIS

D. GERARDO DE WIND,

PATRI CHARISSIMO, OMNI AMORE, PROSEQUENDO, MEDICO JAM PER QUADRAGINTA ANNORUM SPATIUM FELICITER PRAXIN MEDICAM EXERCENTI, V. D. MINISTRO QUIESCENTI INTER ANTIPÆDOBAPTISTAS MEDIOBURGI ZELANDORUM VENERANDO.

D. JANO VAN BEEKHOVEN DE WIND,

FRATRI DILECTISSIMO, MEDICO HARLEMI EXPERIENTISSIMO; COLLEGII AD RES OBSTETRICIAS MEMBRO; IBIDEMQUE ANTIPÆDOBAPTISTARUM ORATORI SACRO, FACUNDISSIMO, DOCTISSIMO.

D. PAULO DE WIND,

FRATRI AMANTISSIMO. POLIATRO MEDIOBURGI ZELANDORUM; ANATOMIÆ, CHIRURGIÆ ET ARTIS OBSTETRICIÆ IN PATRIA URBE LECTORI DIGNISSIMO; ILLUSTRUM ORDINUM ZELANDIÆ LITHOTOMO, FELICISSIMO; EMBRYULCO INGENIOSISSIMO, DEXTERRIMO.

D. GULIELMO ROELL,

MEDICINÆ DOCTORI; ANATOMIÆ ET CHIRURGIÆ APUD AMSTELÆDAMENSES PROFESSORI FAMIGERATISSIMO, SOCIETATIS INDIAE ORIENTALIS MODERATORI SAGACISSIMO, SOCIETATIS INDIAE ORIENTALIS MEDICO DIGNISSIMO, SUMMIS NOMINIBUS CONDECORANDO.

D.

D. T J E R K N I E U W E N H U Y S,

PHILOSOPHIÆ DOCTORI. AMSTELÆDAMI INTER ANTI-
PÆDOBAPTISTAS PROFESSORI THEOLOG. ET PHILOS. ERU-
DITISSIMO, FACUNDISSIMO; IN HUMANIORUM LITERA-
RUM SCIENTIA CONSUMMATISSIMO.

D. M A R T I N O A R K E N B O U T,

IN ANTIPÆDOBAPTISTARUM ECCLESIA, QUÆ LEIDÆ COL-
LIGITUR VERB. DIVIN. MINISTRO ELOQUENTISSIMO;
THEOLOGO NON MINUS ERUDITO QUAM MODESTO;
OMNI VENERATIONE COLENDO.

Has Studiorum primitias.

D. D. D.

GERARDUS DE WIND, GER. FIL.

A U C T O R.



DISPUTATIO MEDICO-CHIRURGICA
INAUGURALIS.

D E

HYDROCELE.

§. I.



ptandum foret, ut qui morbos recenter inventos novis designant nominibus, operam semper darent, ne in his formandis unquam negligerent veram nominis convenientiam cum ipsa rei, cui imponitur, natura, ut ita vox rem ea significandam exprimeret.

Constat enim, Græcos Medicinæ Principes propria dedisse nomina tumoribus in hac vel illa corporis humani parte hærentibus, & sic ex combinatis vocabulis ὕδωρ Latinis aqua, & κήλη tumor, conflasse ὕδροκήλη, tumor aquosus. Cum autem vox illa κήλη, cele apud Veteres omnis tumor quamcunque corporis regionem obsidens diceretur, postea tamen in specie intestinorum ex cavitate abdominis prolapsui annexa fuit: unde tot & tanta in Scholis

A

Me-

Medicorum irrepsere nomina, quæ propter varias affectiones materiæ sive loci variam originem traxisse videntur. Ex data Hydroceles Etymologia concludere licet, hanc esse aquosi humoris collectionem in scroto, quæ improprio nomine a latinis Scriptoribus Hernia aquosa vocatur, Belgice, *Waterbzuik*. Patet exinde, Hydrocelen non inter diversas Herniarum species, sed potius ad Hydropem esse referendam, quæ nominis similitudo perversæ curandi methodo ansam præbuit.

§. I I.

Antequam ad nostrum propius accedamus scopum, haud inutile erit, subtilissimam scroti fabricam investigare, ut eo melius morbi pertractandi natura inclarescat.

Scrotum definitur, quod sit bursa quædam, extra abdominis cavitatem propendens, quæ testiculos cum partibus contentis involvit. Exterius se conspiciendam præbet futura per totam longitudinem decurrens, qua scrotum in dextram sinistramque dividitur partem. Communia scroti integumenta terminantur, Epidermide, cute, & membrana cellulosa, quæ per omnem scroti substantiam se dispergit; hæc propriæ insequuntur tunicæ, quarum prima Dartos vocata se in duos expandit loculos, quorum latera juxta se invicem collapsa mediastinum seu septum inter binos testes formant, altera, quæ sequitur, tunica Vaginalis seu Elythroides dicitur, hæc est vera continuatio vaginæ, quæ funiculum vasorum spermaticorum recondit, sed illa, quum ad testem pervenerit, sensim sensimque se dilatat in duas lamellas, quarum una fundum vaginæ funiculi Vas. Sper. format, altera laxè testiculum ambit, & tunicæ vaginalis accipit nomen, cujus superficiei internæ subtilissima adhæret membrana, quæ adeo arcte se circa funiculum Vas. Sper. connectit, ut inde peculiaris testiculo servando exsurgat vagina, quæ omne impedit commercium inter funiculum Vas. Sper. ipsamque tunicam vaginalem.

Veteres aliam adjunxere membranam, cui Erythroides nomen imposuere, verum improprie, quoniam verus est mus-

culus, Cremaster dictus, cujus fibræ juxta funiculum Vas. Sperm. decurrentes externæ Vaginalis tunicæ superficiei se inferunt.

Ultima, quæ restat, tunica Albuginea nominatur, quæ intime testis adnascitur, adeo ut hæc sola tanquam proprium testiculi integumentum censi mereatur. Testes nil aliud esse constat, nisi congeriem vasculorum minutissimorum semen conficientium, quæ miris contorsionibus inter se convoluta hærent, & omnia in unum quasi centrum conspirare videntur, ex quorum unione testiculus nascitur accessorius, in externa testis superficiei locatus, Epididymis dictus; eadem vasculorum distributione gaudens, ex quorum extremis angustis vasa deferentia originem ducunt, quæ cum Vasis Spermaticis, mediante cellulosa membrana, conjuncta & Vaginæ peculiari inclusa funiculum Vas. Sperm. efformant.

§. III.

Quem Medicorum nisi plane hospitem latet, corporis humani viscera compluries discrepantibus ex causis, sibi corruptionis labem contrahere posse, qua ad tam immensam magnitudinem sæpe perducuntur, ut sane omnem fidem excedere videatur.

Quis enim sibi in animum inducere possit, ex disruptis & apertis Hydraulicis Microcosmi canalibus mirabiles illas extravasationes, inundationesque feri pariter ac lymphæ suos debere natales, quæ in variis Æconomiae animalis regionibus accidunt, ut in habitu corporis externo sub cute facta dicuntur. *Anasarca*, in capite *Hydrocephalus*, in pectore *Hydrops pectoris*; in Abdominis cavitate *Ascites* vocatur; quæ omnia hic pertractare instituti mei non postulat ratio; sed tantum in illam inundationis speciem in præsentis inquirere animus mihi est, quæ scrotum occupat, in quo sub nomine *Hydroceles* venit.

DISPUTATIO MEDICO-CHIRURGICA

§. I V.

Ut autem justam Hydroceles acquiramus ideam, necesse erit, ex fabrica partium, duplicem Herniæ aquosæ eruere speciem, quarum una integumenta scroti exteriora, & specialim membranam cellulofam occupans, per sedem suam aliaque signa se ab aliis tumorum generibus distinguere solet, & a Medicis Hydrops scroti vocatur, quæ nunc tractanda venit, ut ab Hydrocele rite dignosci queat.

Ex Anatome liquet dari in admiranda corporis humani fabrica substantiam subtilissimam, cellulis, oleum medullare continentibus, undique refertam; quæ eadem originis ubique vestigia agnoscens, eosdem fere semper patitur morbos; sic scrotum magna aliquando humorum mole inundatur; & in immen-
nem usque magnitudinem attollitur, dum Anasarca suas in tenella compage ludit tragædias; collectiones feri insolitas in scroti capacitate progignere consueta.

§. V.

Indicia, quæ sedem humoris ostendunt, non parum ab ipsa Hydrocele discrepant. Nam si tunica scroti cellulosa feri col-
lue intenditur; scrotum sine rugis æquale & omni sua parte tumidum sese manifestat. Tumor mollitie quadam gaudet; quæ prementi digito cedit, & eo sublato admodum tarde se attollere consuevit.

Sensim & sine dolore augetur Oedema; & crassiora scroti integumenta lagenæ adinstar aqua repletæ, diaphana reddit; quod opposito candelæ lumine facile cognoscitur; ægro in tenebris constituto; nisi lymphæ in cavitate tumoris contenta; sit nigricans, cruenta; omnemque visum impediat; ita ut aditus lucis penitus intercludatur.

§. V I.

Ut plurimum simul ipsa penis substantia eodem afficitur ma-
lo;

lo; quæ mirum in modum adeo distenditur ab affluentibus undique humoribus; ut præputium tumefactum omnem sæpissime urinæ exitum intercipiat; vel retractum nudam oculis exhibeat glandem; hinc facile animo concipere licet, istud, quod natura suggerit phænomenon, a nulla alia causa produci, nisi a continuitate tunicæ scroti cellulosæ cum ipsa colis structura.

§. V I I.

Absque ullo Hydropis Anasarca commercio exortam vidimus scroti intumescientiam; dum vasa communia scroti velamenta perreptantia, a causa quadam manifesta; ut contusione, aut vulnere diffracta suos effundunt liquores, & sic ex proprio fonte morbum excitant; vel etiam serosa obstructa liberum humoribus suis circuitum denegant: unde fluidior ac subtilior portio a sanguine separatur; quæ per poros vasorum transudans, vel vascula lymphatica copiosius subintrans, prægrandem in scroto efficit tumorem.

§. V I I I.

Etiam notandum venit, suppressionem urinæ a calculo, tumore, vel ab alio in urethra hærente obstaculo producere posse Hydropem scroti, dum urina se per omnem penis scrotique substantiam cellulosam diffundit; hinc quam promptissime remedia tentanda sunt, ne urina cito corrupta per acerrimas falis sui particulas, inflammatione, abscessu aut Gangræna subortis, tenerrimam scroti destruat fabricam. Tutissima via curandi tumorem in profundis scarificationibus consistit; attentione adhibita, ut vulnuscula ad suppurationem deducantur tam cito quam fieri potest, ne in posterum quam plurima sinuosa & callo obducta ulcera remaneant.

§. I X.

Infantibus præsertim familiaris est Hydrops scroti, qui ab ipso ortu interdum hoc affectu corripiuntur; quæ res oriri videtur, si foetus in utero materno hærens talem habuit situm; ita ut verenda pressa fuerint: hoc malum tenellæ ætati accidere potest, urina eorum continuo scrotum alluente: unde lenis proveniat inflammatio, quæ vasa irritans serosis humoribus tunicam cellulofam adimplet.

§. X.

Ista feri in scroto collectio ab Hydrope per totum corporis habitum dispersa, sua trahens incunabula, quoties evenit, nulla unquam expectari potest curatio morbi; nisi per idonea medicamenta stagnantes in variis locis humores e corpore educantur. Si autem magna humorum copia scrotum turgeat, adeo ut ægro commodum in lecto, seque movendi facultatem impediat; in tali casu præstat externis cataplasmatibus discutientibus inhærere & curam moliri; vel facta incisione ab utroque latere scroti ad trium pollicum longitudinem in intima tunicæ cellulosæ penetrare adita, quod adeo felici successu sæpius tentatum fuit ut contigerit, totam humani corporis machinam ab ingenti aquarum mole hac ratione fuisse exoneratam; quanquam varii artis Chirurgicæ Principes gangrænæ jamjam superventuræ metu perterriti aliam curandi methodum aggrediantur; ut Celeberrimus (a) Le Dran in Operat. suis Chirurgicis, de Hydropicis affectibus agens duo potissimum incommoda ex hac profundiori incisione profluere existimat; nempe quod labia vulneris ad se mutuo accedant; contentis in scroto humoribus nondum rite evacuatis; ita ut intra breve temporis spatium æger denuo operationem subire coactus sit; vel etiam a liquoribus in hac tumente corporis parte lente circulantibus gangrænam facile exoriri posse eodem

(a) Le Dran Traité des Operations de Chirurg. p. 176.

eodem modo contendit, quare Celeberr. Autor levia hinc & inde vulnuscula infligi suadet, quæ externam scroti superficiem perforantia a Gallis *des Mouchetures* vocantur, omnique dolore & periculo carent, quamvis elapso aliquot horarum intervallo iterum institui debeant.

Fulgens illud Angliæ fidus, Experientissimum (b) Sharp in aliam curandi viam processisse legimus. Ut autem aqua in cellulis scroti extravasata, evacuetur, profundas in pedibus scarificationes adigi jubet; unde se summo cum levamine morbi humoribus exitum dedisse, testatur Autor, factamque pedibus incisionem, ex loci declivioris natura multo magis scopo satisfacere, quam ipsam scroti sectionem.

§. XI.

Ab aliis causis excitari posse Hydropem scroti, incolumi existente corpore reliquo, præcedentibus paragraphis, diximus; hinc ut humores extravasati iterum legibus circulationis obedire queant; tentanda est curatio morbi medicamentis discutientibus, ope sacculi subligaculo annexo sustentati scroto applicandis; quod si simul peccat summa frigiditas; opitulantur vegetabilia, quæ majorem in parte affecta excitant calorem, si ex vino rubro, vel aqua cui acetum adjectum fuerit, coquantur, & panni liquore expresso madidi calide tumori imponantur; nec inutilia sunt Emplastra de Cumino, Diaphoreticum Emplastr. Meliloti maritatum: laxa vero cutis sæpe Emplastrorum impatiens est, quæ, si id deprehendatur, protinus tollenda sunt: sæpius accidit, simul adesse calorem partis & rubedinem, tum refrigerantia medicamenta sunt adhibenda. Ad interna quod attinet auxilia; præstat ægrotis sæpius alvum ducere; sed simul tamen roborantia atque urinam moventia remedia exhibuisse licebit.

(b) Sharp. Operations de la Chirurg. Chap. IX. p. 125.

§. XII.

§. X I I.

Sicuti per hætenus proposita medicamenta sanationem tentare conveniat; sic his non cedente tumore, ad alia artis Chirurgicæ auxilia perveniendum esse Autores statuunt: inter quæ primum sibi locum vindicare videtur perforatio scroti. Hæc operatio sequenti methodo perficitur: Chirurgus acu tricuspide cannula munita, *Troisquart* dicta perforat scrotum; adhibita cautela, ne testiculum lædat; exempta acu per cannulam omnem aquam simul & semel evacuat, contraria Encheiresi ac in paracentesi abdominis; quo factò cannula extrahitur & vulnus corrugata cute facile glutinatur, præcipue si pars pertusa tonicis roborantibus foveatur remediis; quæ agendi ratio tanquam cura palliativa considerari meretur, nam recidivam patitur morbus, nisi fons aliis appropriatis exsicceetur medicamentis.

§. X I I I.

Varii Autores aliam proponunt methodum; quam magnam præstare posse utilitatem asserunt, acus filo duplicato instructa, setacei in modum a latere sinistro per latus dextrum trajicitur, acu retracta, filum relictum manet; quod bis terve de die per factam aperturam protrahitur; donec guttis aquæ ex vulnere destillantibus, omnis effluxerit humor: verum quoniam serosa colluvies intra cellulas aliquando satis viscida hæret; ejus effluxus in allegatis prioribus methodis plerumque parcius esse solet; in tali vero tumoris genere radicitus exstirpando sufficit ope lanceolæ, ut in hac hydropis specie ab anasarca proveniente patuit; amplam in utroque latere scroti ad datam longitudinem instituere sectionem, liquoribus extravasatis exitum præbere, vulnusque lenem suppurationem excitantibus remediis ad cicatricem perducere.

Si pauxillum aquæ educæ igni admoveatur, albuminis ovi instar coagulationem subire consuevit, si spiritus salis simpl. injiciatur, portio quædam in cremorem abit; admixto sale ☐
nulla

nulla mutatio percipitur; ita ut constet; humorem extravasatum nil aliud esse, nisi serum sanguinis.

Superius autem diximus, in hoc genere mali ipsam penis substantiam mirifice intumescere; quod ægro summam parit molestiam; hinc suam quoque exposcit medelam, quæ fit, si diversis in locis per admotum scalpellum cutis distenta incidatur, emissioque sero vini calidi usu vulnuscula expurgentur; tandem cutis supra glandem extendatur; hic autem monendum videtur, in hoc casu cutim vulneratam aliquando cum subjecta glande cohærescere, quod facile impediri solet; si frequentissime vinum calidum inter glandem cutimque injicitur, ægro autem, statim atque urinam emittat; ipsum præputium trahente & retrahente diligentissime, ne invicem partes affectæ agglutinari possint.

§. XIV.

Infantibus, quibus scrotum intumuit, tumor sæpe per se dissipatur, aut ætatis progressu fere semper evanescit.

Celeberr. Heister (c) in infantibus recens natis, atque ab Hydrocele infestatis ad eradicandum huncce affectum optimum dari remedium opinatur; si sanus aliquis jejuno stomacho moschatae nucis portiuncula dentibus masticata halitum suum sæpius de die scroto ægro afflet; cum plurima noverit exempla infantum, qui hoc modo salutarem accepere medelam. Aliquando spiritus vini ore contentus & scroto afflatus eundem præstabit effectum.

§. XV.

Breviter ac succincte quantum ad scopum nostrum videatur, tradita morbi prægressi historia, ordinis nunc postulat ratio, ut in præsentiarum, ipsa quoque Hydroceles fata paulo penitius investigemus; hinc data in præcedentibus generali herniæ aquosæ

(c) Confer Heister. Chirurg. P. 2. Sect. V. Cap. CXXII. pag. 844.

aquosæ definitione, particularibus verbis illam adumbrare non non incongruum erit.

Hydrocele est solito major humorum accumulatio in tunica scroti vaginali dicta, quam ad sanitatem requiritur. Quo autem vera Herniæ aquosæ generatio eo melius patefcat; haud ignorari oportet, tunicam vaginalem, quæ testes, cum Epididymide, vasis spermaticis & deferentibus involvit magna vasorum serie, osculis in interna ejus membrana patentium irrigari; quæ benignæ ac sollicitæ naturæ providentia tantam lymphæ subtilioris copiam, tenuissimi roris adinstar in statu sano intra cavitatem tunicæ effusam exhalare valent, quanta sufficit; ne partes inter se coalescant. Si autem salutare hocce naturæ molimen attento perspiciamus oculo, sua sponte ratio elucebit; variis de causis, copiosam aquarum molem in vastissimum usque tumorem distendere posse tunicam vaginalem, ibidemque veram causari Hydrocelen.

§. X V I.

Prima hujus mali causa in sola laxitate vasorum, tunicam Elythroideam perreptantium posita videtur, quæ inde proficiscitur, quod partes genitales extra corporis ambitum propendentes, nec tanto caloris vigore, nec tam vivaci humorum circulantium motu quam alia interna corporis viscera gaudeant; hinc tenerrima vasorum stamina ab irruente caterva liquorum oppressa, laticem suum in tunicæ prædictæ cavum eructant, vel etiam id accidere posse putamus, si vascula liquoribus reforbendis destinata, non rite suo munere fungantur; ex quo potissimum fonte, accumulatis sensim humoribus nec resorptis, Hydrocele emanare videtur.

§. X V I I.

Deinceps oblivioni tradendum non est, istam feri lymphæque extravasationem a justo tardiori sanguinis per vasa spermatica refluxu suos mutuari natales; quod ex principiis Anatomis

tomicis summam attentionem meretur; nam venæ spermaticæ sanguinem ex testiculis revehentes, maxime in latere sinistro, in quo Hydrocele, ut quotidiana docet experientia, observatur frequentissima, a vena emulgente tanquam sua origine, quam longissime sunt remotæ, neque etiam recto tramite, sed variis contorsionibus, tenellos vitium capreolos quodammodo referentibus deorsum tendunt; hanc ob causam, liquor per has venas lento gradu circulans, si in hominibus vitam sedentariam amantibus viscidam acquisiverit tenacitatem, refluit ægerrime, hinc circa ultimas vasorum angustias stagnans, subtilissima liquidorum pars, vasa transsudans, vel disruptis vasis lymphaticis, extravasata, tunicam vaginalem mirum in modum distendere valet.

§. XVIII.

Accedente aliqua causa interna, ut contusione, compressione, vel illato ictu Hydrocelen oriri posse facillime patet, id quod equum conscendentibus, vel effræno equo vectis aliquando contingit; si testis femoribus submissus hac aliave occasione valentius prematur, vasis, ex quibus testiculus dependet, præter modum coarctatis, ita ut humor libere reverti nequeat, vel diffractis effusi liquores amplam tumori producendo præbeant ansam.

§. XIX.

Varii Autores in vera Hydroceles causa indaganda in varias abiērunt sententias, & mira luxuriantis sui ingenii dedere phantasmata, quibusdam in ea hærentibus opinione (c) Hydrocelen oriri e visceribus in cavo abdominis male affectis; a fervida lienis æstuosi intemperie, serosos humores in corpore redundantem attrahente: unde perennis aquarum scaturigo ex hoc parenchymate in capacitatem abdominis destillat, ex hac vero in scrotum.

Crediderunt alii ejusdem serosum incrementum emanare a

va-

(c) Piso in Colluyie Serosa Sect. IV. Cap. VII.

vasis urinariis, illud ad vesicam deferentibus, si in eorum membranis raritas aliqua ob vim acrioris urinæ, vel ab alia causa laxitas supervenerit, ob quam aliquæ guttæ assidue transudantes, facile sibi viam sternere possint propter loci vicinitatem, & tunicarum tenuitatem ad scrotum usque. Paracelsus aliam fovens doctrinam; Hydroceles originem deducit, ex salinis particulis in scroto secretis, quæ superfluæ humiditatis haustu liquidæ in resolutionem abeuntes, magnam aquarum copiam propugnere queunt.

§. X X.

Nunc examinanda veniunt signa; quibus Hydrocele se ab aliis in cavo scroti hospitantibus tumoribus manifestare solet. Primo ut ab Hydroke scroti incipiam, vidimus illum per certa existentia suæ se prodere indicia; quod in hac digitus tumori impressus foveam quandam reliquerit; quod cutis undique tensa sit, atque penis simul insigniter tumeat, e contrario in vera Hydrocele primo morbi stadio cutis ita rugosa evadit, ut in tumore depresso nulla fovea remaneat. Tumor se nunquam ex toto remittit, mollis est, si non nimia humoris copia inundatur; si autem vehementer increverit aquosa moles; tumor renititur; utris repleti & arcte constricti imaginem præseferens, rugis pro parte evanescentibus; scrotum liquoribus distentum magis magisque se attollit, adeo ut ipse penis retrorsum quasi tractus fere sub tumore delitescat.

Si etiam humor contentus nullum contraxit vitium, is tanquam in vitro cornuve apparet; qui vero si fæculentus, percrassus colore luridus & ater existat, minime credendum est, Hydrocelen non adesse, dummodo cætera se prodant indicia. Venæ quoque in scroto inflantur; & si digito premimus; cedit humor, circumfluensque id, quod non premitur, attollit. Tumor etiam non nisi unum scroti latus plerumque occupat, nempe sinistrum.

§. XXII

§. XXI.

Peritonæi duplicatura cuncta fere interna abdominis viscera includens, a quavis causa dilatata & per annulum obliqui externi abdominis egressa peculiarem sibi saccum in inguine hærentem, vel ad cavitatem scroti usque extensum formare consuevit, in quo omentum, aut pars intestinorum ex sede sua naturali prolapsa diversas herniarum species producit, ad quas designandas multi Autores excogitavere nomina; si intestinum, omentum vel utraque cavum herniæ adimpleant, *Enterocoele*, *Epiplocele*, vel *Entero-Epiplocele* vocantur.

Si vero saccus cum intestinorum mole in regione inguinali lateat, *Bubonocoele* seu *hernia incompleta* dicitur; in capacitatem scroti devoluta, *hernia completa* audit.

§. XXII.

Qua ratione jamjam proposita vitia ab Hydrocele dignosci debeant, ex iis patescit phænomenis: Hydrocele raro vel nunquam, crescente morbo, ullis doloribus excruciat ægrum, & rarissime a causa accedente externa suam trahit originem, quod toties locum habet in Entero vel Epiplocele.

Hernia scroti intestinalis, ægro resupino jacente vel sua sponte in abdominis cavitatem retrocedit, vel saltem diminuitur, aut per exercitatas Chirurghi manus versus inguina vel in ventrem redigitur, sono quodam sive murmure oborto, retractis autem manibus; vel ægris surgentibus cum eodem murmure ad pristinas sedes revertitur malum; quæ phænomena in aquoso scroti tumore conspiciere non datur.

Etiam in Hydrocele considerandum venit, in regione inguinali eaque sede, ubi vasa spermatica ex annulo musculorum abdominalium elabuntur, tumoris vel nihil esse, vel parum pro magnitudine illius; quo inferius scrotum intenditur. Contrarium vero obtinet hernia scrotalis, quæ ut plurimum prima sui rudimenta in inguine stabilita conspicienda præbet, & successu temporis incrementa capiens in scrotum prolabitur.

Aliud quoque datur signum, quod Hydrocelen ab hernia intestinali nec non ab Epiplocele distinguere possit; nempe qua parte tumor hæret, testiculus copioso lymphæ latice ita circumdatus est; ut neque visu, neque tactu sentiri queat, dum e contrario in dictis tumoribus herniosis, si non semper, saltem sæpissime a latere detegatur.

Ultimum, quod restat examinandum, ut discrimen pateat, in hoc consistit, quod hernia intestinalis, si animum attendamus ad Hydrocelen, tanquam solidum aliquod corpus considerationem mereatur; hinc efficit; ut hernia os pubis superlapsa summum excitet obstaculum, ne illud os tangentibus, quo usque tumor extensus fuerit, sese manifestet, quod impedimentum a collecta humorum mole nequaquam producitur; cum hi facile digitis prementibus cedant, aut a se invicem separari possint.

§. X X I I I.

In eodem latere scroti, quo Hernia intestinalis fuit exorta; aliquando copiosus deprehenditur liquor; qui morbus tum *Hydro-Enterocèle* vocatur, & exinde adesse colligitur, si intestinis in abdominis cavum revolutis, nihilominus tamen extumescencia quædam, vesicæ aqua distentæ sensum præseferens circa testiculum remaneat: Si vero in uno latere scroti Hydrocele sedem suam fixerit, in altero Enterocèle, tum morbus non Hydro-Enterocèles nomen sibi vendicat; sed pro duplici morbo habendus est; in complicato hocce affectu summam attentionem adhibendam esse, facillime patet: hinc quam maxime providendum est, ut intestina in ventrem retrusa prius per idoneum subligaculum quam exactissime contineantur; antequam scrotum sectione aperiatur, magnus alioqui datur metus, ne scroto vulnerato, intestinum simul incidatur; & sic æger præsentis mortis periculo temere subjiçiat.

§. X X I V.

In prolongata Peritonæi lamella herniam intestinalem conti-

tinente tanta aliquando lymphæ copia invenitur; ut inde alia Hydroceles species exsurgat; hæc tamen inter rariora, quæ in Æconomia animali observantur phænomena, adnumeranda venit; & potissimum pro causa sua agnoscit Asciten.

(d) Clarissimus Monro in Actis Edinburgensibus exhibet casum ad virum quendam grandævum spectantem; qui diu vera laboraverat hernia; per multum annorum spatium non reducta; Patiens coactus super dorsum recumbere, exquisitos in tumore & lumbis sustinuerat dolores; in aliquot locis herniosi tumoris fluctuatio aquæ digitis plane percipiebatur; sine ullo tamen solidæ inhærentis substantiæ vestigio: instrumentum *Troisquart* vulgo dictum intrudebatur herniæ; cujus ope sex libræ humoris serosi detractæ fuere; tum convolutiones intestinorum & partes omenti nodosæ in conspectum venientes, se nullo modo reduci patiebantur: Ægro a dolore multum liberato, nec ulla Viscerum sphacelo se manifestante, non judicabatur necessarium alius operationis violentiæ submittere senem, propter breve vitæ ejusdem curriculum.

§. X X V.

Si vero æger hernia inguinali infestatus in tædiosam incidet asciten, bracherium quodcunque quamvis summa dexteritate elaboratum infede sua naturali intestina & Epiploon quidem retinere valet; tamen non adeo exacte efficaciam suam in comprimendo musculorum abdominalium annulo, exferere valet, quin pars aquarum in abdomine latentium, qua data porta, in faccum herniarium irruat; eumque ad notabilem elevet magnitudinem; id toties evenit; quoties faccus, intestinorum mole in ventrem repressa; loco suo remanens cum partibus vicinis coalescit; hinc quam manifestissimè sequitur, hanc Hydroceles speciem omnem plane eludere medelam, & nullam accipere posse curationem; nisi tota humorum massa in ab-

do

(e) Medical Essays Edinburg. Vol. 5. no. 22. p. 250.

dōminis cavo hærens per convenientia remedia penitus sit evacuata.

Celeberrimus (e) Le Dran in operationibus Chirurgicis testatur se in tali Hydroceles specie puncturam instituisse; ut aquæ sacco peritonæi contentæ exitus daretur; sed brevi post immanem humorum laticem cellulofam scroti substantiam ita inundasse; ut capitis humani magnitudinem adæquaret; &, ut ei videbatur, ab hac ratione fuisse productam; nempe quod apertura sacco herniario inflicta breviori temporis spatio, quam communia integumenta, cicatrice fuerit obducta; nam extra omnem dubitationis aleam hæc lymphæ scaturigo ex abdominis cavo profluxerat; minori quam quindecim dierum intervallo iste scroti Hydrops fuit dissipatus; forsitan a vulnere peritonæi tunc temporis consolidato. Attamen alia humorum turba denuo saccum impleverat intestinalem, ita ut eadem Hydrocele remanserit.

§. X X V I.

In Observationibus Chirurgicis Citati Autoris notabile aliquod invenitur exemplum Hydroceles saccum herniarium occupantis. Æger quidam vario febris regularis insultu correptus, in herniam dextri lateris incompletam incidit; illa neglecta; cum nullum gestaret bracherium intra breve temporis curriculum in scrotum usque fuit devoluta: æger auxilium cujusdam Chirurgi Parisiensis Dom. Arnaud, Filii implorabat; qui postquam intestina in ventrem reposuerat; ei subligaculum convenientissimum applicavit, ita ut nulla deinceps se manifestaverit hernia; attamen post mensem præterlapsum ægro exorti fuere dolores; per funiculi vasor. sperm. longitudinem lancinantes; qui tamen intra aliquot dierum spatium evanescere; tumore infra regionem inguinalem excitato; qui sensim sensimque in vastissimam excrevit magnitudinem; ita ut æger summum exinde caperet incommodum; atque iterum se

Curæ

(e) Le Dran Traité des Opérat. pag. 134.

curæ Domini Arnaud submittere cogeretur; qui aquam tumori inhærere existimans acutricuspide cannula munita, *Trois-quart* punctiorem instituit, magnamque humorum extraxit massam, verum tumore, non nisi dimidio disparente; æger ad nosocomium *de la Charité* pervenit, ubi se in exercitatus Chirurgi Le Dran tradidit manus, qui omnibus rite examinatis, invenit totam scroti superficiem tumoris rotundi figuram acquisivisse, ejusdemque indolem dubiis absconditam esse latebris.

Tumor Hydro & Sarcocèles naturam habere videbatur; ægro non recta valetudine fruente vena fuit aperta; & durante quatuor vel quinque dierum curriculo, severissimo vitæ regimini se subicere coactus fuit; eo successu, ut febris evanuerit; sed aqua denuò saccum replente; Celeb. Vir facillimè potuit detegere locum, Chirurgi manu antea evacuatum; omnino a testiculo separatum; qui nullum contraxerat vitium; & omnino distinctum ab alio tumore funiculum vasorum sperm. obsidentem. Hicce tumor ovi figuram referebat; & quamvis magna gauderet duritie; tamen Celeb. Autor aliquod fluidum sentire putabat: in hoc incerto rerum statu emollientia & resolutive tumori imponebantur cataplasmata; qui tamen intra quinque dies, quamquam doloris expers, summos capiebat progressus; ita ut Dom. Le Dran, ægro nulla febre correpto, tumorem instrumento antea dicto perforaverit; ut melius ejus indolem sibi compertam haberet; & circiter aquæ doliolum urinæ colorem adæquantis extraxerit, tumore aliquatenus per evacuationem liquidæ molis diminuto; Dom. Le Dran facile perspexit saccum; qui Hydrocelen continuerat, ad minimum digiti transversi crassitudinem habere.

Finitis quatuor diebus tumor ad tantum magnitudinis apicem increverat, quantum se conspiciendum præbuerat ante puncturam, ita ut Clar. Vir in eam devenerit opinionem; tumorem penitus auferendi; quam operationem Clariss. Autor sequenti methodo peregit: scrotum in longitudine sua, a parte inferiore ad anulum obliqui externi abdominis sectione aperuit, quia tumor ad hoc intervallum se extenderat; tum tres a se

invicem distinctas invenit Hydroceles; quarum una sacco herniario; de quo jam mentionem scimus, erat inclusa, qui in parte sua superiori constrictus a prementi pondere subligaculi, nullum omnino cum ipso abdominis cavo commercium habebat: Celeb. Vir ingenue fatetur, se summa admiratione fuisse adfectum; quia nunquam adhuc viderat saccum herniosum a parte abdominis consolidatum, pondere bracherii non penitus premente principium facci. Secunda Hydrocele inter primam & musculum Cremasterem locum tenebat: Tertia sub ipsa testis albuginea tunica latebat. Hæc erat illa, quam Dom. Arnaud instrumento acu tricuspile instructa perforaverat. Quanquam testiculus nullam in se conceperat labem, is tamen ab operatione immunis esse non poterat; quia vasa spermatica, ut semper accidit, sacco hernioso, qui primam formabat Hydrocelen, immixta hæerent: itaque, postquam Dom. le Dran funiculum Vaf. sperm. saccumque ligaverat, ad transversum digiti latitudinem infra ligaturam abscidit; duabus horis post operationem elapsis, ægro certa sanguinis copia fuit detracta, & fomenta ex emollientibus remediis parata, ventri imposita fuerunt, adeo ut vulnus ad Suppurationem perductum; blandissima felicitis eventus gloria medentem beaverit. (f)

Cæterum neque id silentio involvendum videtur: quod Autores quidam saccum in regione inguinali aperiendum proponunt, & dein immissa turunda, ut apertus maneat, primum superiores ei detrahendas membranas; & ferro candenti postea inurendas, ut saccus principio suo obturato novæ Hydrocelæ generandæ occasionem atque aptum receptaculum præbere non possit. Hæc Hydroceles species, quæ relaxatam peritonæi lamellam obsidet; habere videtur figuram pyriformem, externe æqualem. Tumor primo in inguine incipit, sensumque descendit, ægro supino jacente vel pressione externa in abdominis cavum retrudi potest, sed prompte relabitur.

(f) Le Dran Observat. de la Chirurgie. Tom. 2. 75. Observ. pag. 155.

§. XXVII.

Siquidem varia de Hydro-Enterocoele cognoscenda tradidimus indicia, nunc quædam de Hydro-Sarcocoele in medium proferre licebit, quoniam hic morbus aliquando complicatus deprehenditur.

Quid autem sentiendum sit de Sarcocoeles natura, brevibus complectar verbis. Sarcocoele nil aliud est, nisi excrescentia testiculi fungosa, cum duritie quadam insigni conjuncta, quæ interdum exulcerari, & in cancrofam indolem abire consuevit; vasis spermaticis plerumque eodem affectu correptis; hoc malum sæpe provenire solet ex diuturniori stagnatione humorum in tunica vaginali hospitantium, qui acriores facti ipsam testiculi substantiam maligna corruptionis labe adeo infestant, ut inde Sarcocoele nascatur.

Difficulus admodum Hydro-Sarcocoele ab Hydrocele simplici discerni potest; quoties enim scrotum magna liquorum mole distentum fuerit, non facile semper digito vel manu testiculi sedem explorare datur, ita ut summi in arte Viri opinione sua decepti fuerint cum nil nisi aquam tumori inesse existimarent; & nulla durities tactu percipi posset. (g) Hildanus id sibi accidisse testatur, cum nobilissimum quendam juvenem hernia aquosa laborantem curandum suscepisset, postquam ejus scrotum caustico perforaverat; separata tertio die post applicationem remedii agentis eschara; præter aquam etiam carneam quandam & induratum materiem circum vasa spermatica invenit. Post excisionem escharæ nonnihil serosi humoris copia effluente; dolor ingens in ventre infimo & imprimis in inguine dextro, qui erat locus affectus, subito exoritur; qui tamen sine ullo medicamento statim se remisit; æger sano corporis habitu gaudens, quinque septimanarum spatio, dato remediorum usu, ab Hildano feliciter curatus fuit, quamvis summus Vir gravissima & periculosa symptomata ex hac perforatione sibi metuenda fore crederet; aliud
etiam

(g) Hildanus in Observ. 65. Cent. IV. p. 358.

etiam tradit exemplum (*b*) Hildanus de homine quodam; cujus scrotum ab excellentissimo Medico Chirurgo Jo. Grifonio fuit apertum; qui cum de sola Hydrocele cogitasset, carneam quoque substantiam testiculo & vasis spermaticis adnatam sed seroso humore veluti submersam & tectam reperit, quæ paulo post canceri maligni naturam adepta, medicamentis, ferrum simul & ignem elusit. Ex his fatis superque liquet magna cautione opus esse, ne fallamur.

Lumen aliquod huic affectui cognoscendo affundi potest, si acerrimus circa testiculum & vasa spermatica doloris sensus oriatur, vel evacuatis humoribus, nihilominus testis justo grandior, ac lapideam acquisiverit duritiem, quoniam testiculi tumor sæpe nascitur a suppressa vel cohibita gonorrhæa, ubi materia retropulsa ad testem delata, tortuosam ejus substantiam obstruit, & Sarcocelæ generandæ occasionem subministrat commodam.

Cum autem vasa spermatica testiculo vitiato, eandem patientur calamitatem; eorum durities supra annulum musculorum abdominalium dispersa, compresso abdomine, aliquando sentiri potest; vel hinc & inde nodi inæquales in regione inguinali se conspiciendos præbent; quod vitii genus Cirrocelen Medici appellant.

§. XXVIII.

Multi autores quædam attulere signa, quibus Hydrocele a Pneumatocele, seu hernia scroti flatulenta dignoscatur. Verum hæc omittenda mihi videntur, quoniam nondum luculenta exemplorum serie, neque manifestis rationibus, demonstratum est, tale vitium locum obtinere posse inter tot ac tantas, quæ corporis humani machinam infestant, æumnas.

(*b*) Hildanus in Observ. 65. Cent. IV. p. 558.

§. XXIX.

§. XIX.

Veteres pariter ac Recentiores Chirurgiæ scriptores discrepantes admodum habuisse sententias in de terminanda vera Hydroceles fede quam clarissime ex eorum scriptis elucet. Galenus aquosum eum humorem in tunicis, quæ testes ambiunt, coacervari scribit. Ægineta testatur, magna pro parte liquorem colligi in tunica Erythroide, vel aliquando in membrana supernascente; quæ prius uon erat, contineri, ut tertii testiculi imaginem præferat: Celsus qui optime de Hydrocele scribit, duas ejus exhibet species, humorumque sedem inter summam & mediam, modo inter mediam & imam testiculi tunicam consistere ait; ita ut inde profluere videatur, Celsum posuisse, unam Hydroceles speciem tunicam scroti (i) cellulofam occupare, alteram vero inter membranam, quæ comuni nomine Dartos vocatur, & tunicam vaginalem locum obtinere. Inter omnes, qui de Hydrocele scripsere, autores convenit, dari Hydroceles speciem, tunicæ scroti cellulofæ in hærentem, quæ haud inepte Hydrops scroti vocari meretur, sed indagantes, quo loco contineatur illa humorum massa, quæ ab Hydrope scroti distincta fuerat; peculiare sibi quisque formavit Hydroceles species. Multi ut (k) Paræus, (l) Forestus alique autores præconceptæ Celsi opinioni favere videntur; dum inter membranam Dartos nomine dictam, & tunicam Elythroidem Hydroceles sedem positam esse sibi imaginantur. Quamplurimi recentioris ævi Chirurgi, variis in locis scroti tantam humorum copiam, ut Hydroceles nomen acquirere valeat; sibi habitaculum vendicare posse constantes asserunt, nunc in eodem hærente spatio, quo Celsus suam statuit Hydrocelen; nunc in peritonæi processu supra testiculum humorem consistere præter naturam; aliquando in cellulosa tunicæ vaginalis substantia & in ipsius cavitate coacervari; vel pro-

(i) Celsus de Medicina Cap. 18. pag. 457.

(k) Paræus Oeuvres de la Chirurg. 8. Liv. p. 312.

(l) Foresti Oper. Med. Vol. III. Obs. XV. pag. 260.

proprio contineri folliculo, qui testis superficiei adhæret; aut denique sub tunica testis albuginea liquorem latere posse existimant.

Has Celebrium in re Chirurgica Virorum congestas opiniones æqua animi lance examinare, ingenii mei tenuitas prohibet, id saltem dicere sufficiat, mihi ex datis Autorum placitis, præ omnibus arrisisse sententiam illorum, qui veram Hydroceles sedem intra tunicæ vaginalis cavum latitare docent.

§. X X X.

Fateor quidem dari & aliam Hydroceles speciem; quæ intra vaginam funiculum vasorum spermaticorum continentem inclusa hæret; verum præ rarissimo existentiae suæ casu justo Hydroceles nomine superbire non meretur, nam hoc certissimum est fere omnem, quæ in quotidiana Praxi Chirurgica occurrit, Hydrocelen, in tunicæ vaginalis cavo suam fixisse sedem.

Si autem illa funiculi vas. spermatic. Hydrocele infestaverit ægrum, facile ex oblongo tumore conspicitur, quia tum ad anulum musculorum abdominalium se extendit: testiculus tumere non comprehenditur, isque manibus palpari potest: hæc species eandem exposcit curationis medelam, quam in vera Hydrocele diximus, Clariss. Monro in Actis Edimburg. accurate de hac specie loquitur.

§. X X X I.

Licet omnis hominum ætas a tædiosissimo Hydroceles affectu infestari soleat; hanc tamen non adeo periculosas Machinæ humanæ insidias struere, certissima quotidianæ experientiae observatæ evincunt.

Neque hoc valetudinis genus, si modo tumor fascia exceptus suspensus teneatur, prohibet, quo minus ægri ad ultimam perveniant senectutem, nil inde mali, nisi summam sentientes molestiam; imo aliquot autorum exempla testantur; Hydrocelen, quamvis nulla artis auxilia adhibuisset æger, sua sponte

te disparuisse, sed hos casus inter rariores naturæ eventus adnumerari debere, facillime liquet: hinc ad ipsam morbi progredimur curationem, quæ difficillime data medicamentorum ope impetratur, facilius tamen juniores, quam ætate provecti ab internis remediis accipiunt levamen; ita ut aliquando malum ab his applicatis radicitus fuerit sublatum, præsertim si cataplasmata discutientia ex salvia, fœniculo, majorana, aliisque ejusdem efficaciz plantis confecta tumori calide imponantur, vel alia artis Medicæ instituantur adminicula, quæ jam in Hydrope Scroti laudavimus. Si omnia hæc ad auferendum malum suos non exserere valeant effectus, ad scalpellum denique perveniendum est.

§ XXXII.

Duplicem sanandi viam, quæ manu perficitur, in Hydroceles curatione eligi posse, palam est, unam perfectam seu radicalem, alteram imperfectam, seu palliativam Medici nuncupare consueverunt. Duplex inprimis hic intenditur scopus. 1. ut exitus detur humoribus supra modum in tunica vaginali extravasatis, 2. ut prohibeatur, ne quid liquoris justæ quantitatis limites excedentis denuo ibi colligatur.

§ XXXIII.

Palliativa curandi Methodus a variis scriptoribus summis extollitur laudibus, alterique præponitur, quoniam dolore ac periculo vacat, & longe promptius iterum institui potest, neque ægros per aliquot dierum spatium lecto affigit, ut altera solet. Imperfectam itaque primo explicare tentabimus, antequam ad radicalem in plenam ægris sanitatem restituendam, ab autoribus celebratam, descendamus methodum.

§ XXXIV.

Antequam aptissimum illud instrumentum, quod Galli *Trois-quart*

quart vocant, pro emittendis humoribus Hydropicis in cavit-
tate quadam stagnantibus fuit excogitatum; Antiquioris ævi
Medicos in promovenda curatione palliativa, phlebotomum
seu lanceolam adhibuisse constat; scrotoque rite aperto, li-
quorum per immissam quandam fistulam eduxisse. Verum no-
stra ætate ubique fere acus illa apice triangulari munita tubo-
que inclusa, ut perforetur scrotum, majori cum commodita-
te, quia plerumque æger a scalpello abhorret; adhibetur. Ope-
ratio eadem ratione instituitur, ac in Hydrope scroti dixi-
mus; in Hydrocele solum attendendum est, ut penitus adi-
gatur instrumentum circiter ad digiti transversi longitudinem
in imam scroti partem deorsum versus; tumore per manum
Chirurgi antea depresso.

Neque vulnusculum aliquem sanationis modum exposcit, nam
sua sponte glutinatur. Quam maxime dolendum est, hanc tu-
nicæ vaginalis perforationem molestissimo feri in pristinas se-
des recursum, nova de tempore ad tempus Chirurgis exercitia
exhibere; quum tumor novo iterum turgeat latice, & fre-
quentissima Anadromes fuggerat exempla in hominibus, qui
ad operationem istam pluribus etiam recurrere vicibus coacti
sunt; ut (*m*) Hildanus testatur; se virum quendam sexagena-
rium novisse; qui singulis annis liquidam istam scroti sarcinam
manu chirurgica deposuerit additque hominem, ad canam
pervenisse senectutem, imo in Ephemeridibus Naturæ curio-
forum habetur exemplum de Viro, qui vicies hanc subiit
operationem, adeo felici successu, ut vix aliis eadem toties
felicitate succederit.

Sæpe vero accidit, palliativam prorsus rejiciendam esse
curam, si cognoscatur; humorem intus contentum turbidum
evasisse, vel tenacitatem adeo magnam nactum fuisse, ut per
insertum tubulum commodè effluere nequeat, vel denique ma-
lignum contraxisse fœtorem, ut ad perfectam curandi metho-
dum procedere cogamur, ne ex duiturniori temporis mora,
humoribus infectis, tota scroti substantia in sphacelosam tran-
seat corruptionem.

§. XXXV.

(*m*) Hildanus in observat. Chirurg. Cent. IV. Observ. 66. pag. 340

§. XXXV.

Admiratione sane dignum videtur, diversas Hydroceles radicali methodo curatas per manifesta cicatricis suæ indicia docuisse, conglutinationem testiculi cum tunica vaginali, hanc vero cum aliis partibus prosperam conciliasse sanationem. Ex hac observatione facile concipere licet, felicem morbi hujus eventum suam capere medelam ex evacuatione aquæ sanguini permixtæ; Nam discissis patentiori plaga, ut in hac perfecta curandi Methodo fieri solet, scroti tunicis, per solutam vasorum cohæsionem, & inflammationis insequentis efficaciam, multa disrumpuntur vascula, quæ ipsam sanguinis exstillantis scaturiginem exhibent; quia autem certis scientiæ medicæ nititur fundamentis, membranas, quæ humani corporis texturam investiunt, nil nisi ex mera vasorum congerie constare: hinc quam maxime rationi consentaneum esse videtur; si inflammatione distentis vasis majoribus minima hæc compressa non essent tenuissimum illud liquidum, quo partes irrigantur; siccas earum superficies inter se satis cito concreescere; quod toties locum habet in Pleuritide, Peripneumonia, Empyemate, pulmone pleuræ accreto; eandem ergo partium cohærescentiam in Hydroceles sanatione obtineri posse, quis non videt?

§. XXXVI.

Nullus itaque dubitandi locus relinquitur, quin facta incisio per intimam tunicæ vaginalis cavitatem, usque perfectam Hydroceles curationem efficere valeat. Raro enim evenit; Herniam aquosam ad tantam excrevisse magnitudinem, ut exteriora scroti integumenta pro parte & tunicæ vaginalis portio exscindi debeant; quamvis hæc curandi via Celsi temporibus celebrata fuisse videatur; quia nullam de palliativa cura facit mentionem, sed solum de exscindendis scroti membranis loquitur.

§. XXXVII.

(%) Celsus de Medicina Cap. 19. pag. 461.

§. XXXVII.

Profecta seu radicalis curatio morbi hac methodo perficitur; Æger in sede collocatus a viris aliquot adstantibus detinetur. Chirurgus sinistra manu prehenso tumore, ut ita humorem, quantum valet, ima versus propellat, membranas audacter secare debet, donec ad contentum in tunica vaginali perveniat liquorem.

Plaga facienda est secundum longitudinem scroti in parte inferiore tumoris. Circumspiciendum est, ne sectio instituat in ipsa scroti linea, quam *παρὰ* Veteres vocarunt; quippe arteriam comprehendit, ex cujus læsione sanguinis profusio timeri potest.

Humore elapso, ipse testiculus exploratur, qui ibi in carcinomatis naturam transiisse deprehenditur; ligatis vasis spermaticis, extirpandus est; si vasa spermatica maligna labe infecta reperiantur, summisque doloribus hominem excrucient, incerta salutis medela in castratione posita est. Repudianda enim est Empyricorum medendi ratio; qui in ægris Hydrocele vexatis, levissima de causa testiculum humano generi conservando adeo necessarium summa cum temeritate e scroto evellunt. (o)

Tale Exemplum habetur in observationibus experientissimi Palfyn, qui id Canonico cuidam triginta annorum spatium prætervecto Gandavi accidisse testatur. Is Hydrocele jam ab aliquo tempore laboraverat; aquosa moles in tunica vaginali latens interdum a Chirurgo acu triangulari (Troisquart) fuit educta, verum Fratre Jacobo Eremita Gandavum adveniente, æger seu jam impatiens, seu amicorum consilio persuasus, aut quod cum vulgo libenter decipi vellet, se in hominis istius ignari tradidit manus, ut sanaretur, qui nec ulla ratione aut necessitate adactus, Patienti testiculum abscindere non erubuit, quum eo servato felix curationis exitus omnino expectari potuisset, æger tribus hebdomadibus elapsis, vulnere fere consolidato, convulsis excruciatu insultibus miserrime supremam obiit diem.

Ve-

(o) Palfyn in Pract. de Operat. Chirurg. XIV. Cap. pag. 169.

Verum ut ad rem redeamus, præstat post peractam operationem vulneris cavum carptis implere linamentis, & fascia illa literæ T formam præseferente, ne ex discissis vasorum orificiis, violenta nascatur hæmorrhagia; quam Patienti suo post apertam Hydrocelen accidisse in Actis Edimburgens. exhibet Dom. Jamison. (p).

Vir erat nobilis circiter annos sexaginta natus; qui Hydrocele testiculi sinistri corripiebatur; singulis annis durante quatuor eorum spatio operationem subire coactus fuit, unaquaque operatione Celeb. Autor viginti tres uncias aquæ ex scroto evacuavit; omnia medicamenta post operationem applicata æger fere semper neglexit; nec ad justam sobrietatis normam vivere voluit.

Quarta operatione peracta paulo post aquosæ molis eductionem duodecim circiter uncia sanguinis puri & limpidi ex orificio vulneris emanabant. Patiens interea nullam doloris querelam effundebat, Hæmorrhagia sua sponte cessante ope nullius remedii adjuvantis præter venæsectionem in brachio institutam.

Craftina Aurora sequenti, Æger testabatur, se magnum a testiculo ad inguen percepisse pondus; apparatu curationis remoto, scrotum largius quam in ipsa durante Hydrocele apparuit.

Ampla dein a Celeberr. Viro incisio facta fuit per tunicam vaginalem usque, qua dissecta, magna sanguinis spissi & coagulati quantitas eodem momento excidebat, atque ope digiti circa tunicam albugineam, & sursum ad annulum musculorum abdominalium concreti sanguinis removebatur massa; Testiculus & propria ejus integumenta sana conditione frui visa fuere; hæmorrhagia finita & tunica vaginali se ipsam contrahente absque ulla alia operatione, applicatis siquidem externis & internis remediis, curatio morbi expectata fuit, quæ tribus septimanis absolvebatur, tunica vaginali ubique tam firmiter Albugineæ accreta, ut per trium, quos vixit ad-

(p) Medical Essays Edimb. Vol. 2. Art. 14. p. 222.

adhuc annorum curriculum, nulla Hydrocele apparuerit, febris cum Asthmate conjuncta causa fuit ejus mortis. Ad deligationem vulneris quod attinet, diebus proximis priora illa linimenta removeri debent; aliaque unguento digestivo ut suppuratio promoveatur, imprægnata vulneratis tunicis imponantur; si nimis callosæ factæ fuerint scroti membranæ, mercurium præcipit: rubrum unguento digest. admiscere juvat; finita suppuratione; tamdiu vulnus deligari necesse est, donec probe cicatrice obductum sentiat.

§. XXXVII.

Maximum, quod in hac curandi methodo metuitur malum, a superveniente febre vulneraria dependet, quæ tanta cum vehementia ægrum infestare consuevit, ut in summo vitæ periculo vesari videatur, quamquam raro mors insequatur. Hoc autem phænomenon ex quotidiana Praxeos Chirurgicæ experientia eruitur, nam in omnibus alicujus momenti vulneribus secundo vel tertio die in parte vulnerata nascitur inflammatio, quæ febriculam boni semper ominis, habet comitem, ut per hocce salutare naturæ humanæ conamen sequatur suppuratio, per quam regeneratio perditæ & unio partium separatarum egregie producitur. Cum autem partes corporis humani membranaceæ non tam facile, quam musculosa caro transeant in suppurationem, non mirum cuique videbitur, in membranaceis scroti tunicis vulneratis, majorem excitari debere inflammationis gradum, & validiorem exinde nasci febris efficaciam, ut pus formari valeat: nam pure facto, plerumque hæc symptomata cessant. Itaque summopere attendendum est, ut idoneis auxiliis tollatur nimis valida inflammatio, ne partem affectam gangrænosa destruat corruptela, ut febris nimio impetu excitata intra debitos teneatur limites, & omnia precaueantur symptomata, quæ curationi vulneris nocere possunt. Multi Autores ad istam febrim vulnerariam animum non adhibuisse videntur. Garengéot sententiam illorum improbens; qui Hydrocelen non scalpello, sed impositis Causticis aperien-

dam.

dam esse, existimant, addit, se expertum fuisse, salinas caustici remedii particulas, Hydroceles aquis immixtas, venenata labe adeo imprægnasse tumorem, ut inde pessima infecuta fuerint symptomata, quæ tamen certo certius ab ipsa febris vulnerariæ orgasmo exorta fuere. (q).

Fateor equidem Hildanum de gravissimis Hydroceles apertæ symptomatibus serio cogitasse, verum illa in ægris suis provenisse putabat; quoniam pravis humoribus referti erant. (r).

§. XXXIX.

Ut autem plenius convincamur, felicissimum morbi eventum a febre primis post operationem diebus superveniente expectandum esse, unam alteramve. Celeb. Sharp, observationem adjicere licet. (f).

Homo robustus, quadragesimum quartum agens annum; qui per totum ætatis suæ decursum optima vixerat sanitate; Hydrocele in latere sinistro scroti hærente corripiebatur, curæ Dom. Schakeri 1733. ut ab illa liberaretur sarcina, se committens, incisione facta 3^o. Dec. ad quatuor ibidem pollicum longitudinem in scroti tunicas, aquarum moles evacuabatur. Nocte adveniente, æger febre laborare incipiebat, somnumque capere non poterat, scrotum & testiculus in illa parte, qua Hydrocele orta fuerat, inflammatione adfectum se manifestabat, & subtilissimæ arteriolæ patulis hiantes osculis magnam sanguinis copiam eructabant, Æger de dolore in dorso conquerebatur; verum hic magnopere decrevit; dum suspensorium tumori subjiceretur. Per quatuor dierum insequentium seriem in eodem valetudinis statu permansit æger; donec febris perpetuo accrescens, suppuratione vulneris testiculique facta, patientem relinqueret. Itaque melius se habere incipiebat, vires ejus adaugebantur, & puris evacuatio ex ipso sequebatur testi-

(q) Garengcot. Traité des Operations Vol. 1. Artic. 3. p. 468.

(r) Hildanus in Observ. 65. Cent. 4.

(f) Sharp. Operations Chap. 9. p. 133. & p. 135.

sticulo, quare testis substantiam ad longitudinem tumoris inciderebat Autor, cum sinus, quem pus sibi formaverat se fere ad scroti septum extenderet. Hoc facto mirum in modum diminuta fuit evacuatio, ita ut maxima pars superficiei testiculi intra sex dies scroto coalesceret, solum remanente vulnere externo, quod tamen decimo Januarii cicatrice jam obductum erat, & ultimis Martii Mensis diebus A°. 1734. æger perfecta fruebatur sanitate.

A°. 1733. Sectione aperiebat Clarif. Scharp. scrotum tunicamque vaginalem pueri, qui Hydrocele vexabatur, circiter ad octavum ætatis suæ annum pervecti, is in magnum inciderat vitæ discrimen, donec tandem febre suppuratoria dissipata, pus se in scroto manifestaret, & æger non nisi summa difficultate intra paucas hebdomadas perfectam obtineret sanitatem.

§. X L.

Nec credere licet ab ipsius tunicæ vaginalis inflammatione tantum excitari posse periculum, quantum hac operationis methodo curatos subisse videmus; quoniam supra laudatus Scharp fatetur, se in duobus hominibus Hydrocele adfectis cum duritie testiculi conjuncta totam tunicam excidisse vaginalem; operationem nullis malignis symptomatibus fuisse itipatam, & ægros integram recuperasse sanitatem. Sufficit itaque demonstrasse ex ampliori scroti & tunicæ vaginalis incisione, perfectam Hydroceles curationem feliciter absolvi posse, debito regimine morbi adhibito, ut inde salutares in corpore ægro producantur effectus.

T A N T U M.

T H E S E S.

I.

Venæsectio nocet in Hydrocele.

I I.

*Omnis Hydrocele , quæ in quotidiana Praxi
Chirurgica occurrit, in tunica scroti vagina-
li sibi locum vendicat.*

I I I.

*Hydrocele est solito major humorum coacervatio
in tunica scroti Vaginali, quam ad sanitatem
requiritur.*

I V.

Balneum vaporis convenit in Hydrocele.

V.

*Sarcocoele non est excrescentia, quæ testiculo ad-
nascitur, carnosâ; sed verus testiculi scirrhus,
qui in cancrosam plerumque abit indolem.*

T. H. E. S. 2.

1

The first is the name of the author.

2

On the first page, the name of the author is given. The second page contains the title of the work. The third page contains the date of publication.

3

The first page of the text contains the name of the author. The second page contains the title of the work. The third page contains the date of publication.

4

The first page of the text contains the name of the author. The second page contains the title of the work. The third page contains the date of publication.

5

The first page of the text contains the name of the author. The second page contains the title of the work. The third page contains the date of publication.